

ფოთის საქალაქო სასამართლოს
საჩივრის ავტორი: ქალაქ ფოთის
მუნიციპალიტეტის საკრებულო
მისამართი: ქალაქ ფოთის მუნიციპალიტეტი,
დავით აღმაშენებლის ქუჩა N12

საჩივარი

(ფოთის საქალაქო სასამართლოს 2021 წლის 11 თებერვლის განჩინების „სარჩელის უზრუნველყოფის ღონისძიების გამოყენების შესახებ“ გაუქმების თაობაზე (საქმის №030310021004355366 (3/05-2021)

[REDACTED] სარჩელის საფუძველზე, ფოთის საქალაქო სასამართლოს 2021 წლის 11 თებერვლის განჩინების (საქმის №030310021004355366 (3/05-2021) შესაბამისად, შეჩერდა ქალაქ ფოთის მუნიციპალიტეტის საკრებულოს 2021 წლის 28 იანვრის N1/3 განკარგულების მოქმედება, საქმეზე სასამართლოს საბოლოო გადაწყვეტილების მიღებამდე. ზემოაღნიშნული განჩინება უნდა გაუქმდეს შემდეგ გარემოებათა გამო:

1. ქალაქ ფოთის მუნიციპალიტეტის საკრებულოს 2021 წლის 28 იანვრის N1/3 განკარგულების (იხილეთ დანართი 1) შესაბამისად, [REDACTED] მიენიჭა უფლება სადღესასწაულო დღეებში განხორციელების გარე ვაჭრობა და მიეღო შემოსავალი. საქართველოს ადმინისტრაციულ საპროცესო კოდექსის 22-ე მუხლის მე-2 ნაწილის შესაბამისად, თუ კანონით სხვა რამ არ არის დადგენილი, სარჩელი დასაშვებია, თუ ადმინისტრაციულ-სამართლებრივი აქტი ან მისი ნაწილი პირდაპირ და უშუალო (ინდივიდუალურ) ზიანს აყენებს მოსარჩელის კანონიერ უფლებას ან ინტერესს ან უკანონოდ ზღუდავს მის უფლებას. მოცემულ შემთხვევაში საკრებულოს ზემოხსენებული განკარგულება პირდაპირ და უშუალო (ინდივიდუალურ) ზიანს არ აყენებს მოსარჩელის კანონიერ უფლებას ან ინტერესს ან უკანონოდ არ ზღუდავს მის უფლებას, უფრო მეტიც მოსარჩელეს სადღესასწაულო დღეებში ანიჭებს გარე ვაჭრობისა და სარგებლის მიღების უფლებას, ამასთანავე, არც სარჩელით და არც სასამართლო განჩინებით ვერ დგინდება საკრებულოს სადაო სამართლებრივი აქტით მოსარჩელის ზიანის მიყენებისა ან უფლების შეზღუდვის გარემოება. ამდენად, საქართველოს ადმინისტრაციულ საპროცესო კოდექსის 22-ე მუხლის მე-2 ნაწილის შესაბამისად, სარჩელი არ არის დასაშვები და არ არის საფუძველი ქალაქ ფოთის მუნიციპალიტეტის საკრებულოს 2021 წლის 28 იანვრის N1/3 განკარგულების მოქმედების შეჩერების.
2. საქართველოს სამოქალაქო საპროცესო კოდექსის 191-ე მუხლის პირველი ნაწილის შესაბამისად, მოსარჩელეს შეუძლია მიმართოს სასამართლოს სარჩელის უზრუნველყოფის შესახებ განცხადებით, რომელშიც მითითებული უნდა იყოს გარემოებები, რომელთა გამოც სარჩელის უზრუნველყოფის ონისძიების

გამოუყენებლობა გააძნელებს ან შეუძლებელს გახდის გადაწყვეტილების აღსრულებას, დარღვეული ან სადაცო უფლების განხორციელებას, გამოიწვევს გამოუსწორებელ და პირდაპირ ზიანს ან ისეთ ზიანს, რომელიც კომპენსირებული ვერ იქნება მოპასუხისათვის ზიანის ანაზღაურების დაკისრებით. ეს განცხადება ასევე უნდა შეიცავდეს დასაბუთებას, თუ სარჩელის უზრუნველყოფის რომელი ღონისძიების გამოყენება მიაჩნია მოსარჩელეს აუცილებლად. რომელიმე ზემოაღნიშნული გარემოების არსებობის შემთხვევაში სასამართლოს გამოაქვს სარჩელის უზრუნველყოფის შესახებ განჩინება.

არც სარჩელით, არც სასამართლოს განჩინებით, ვერ დგინდება ის გარემოება, რომ სარჩელის უზრუნველყოფის ორნისძიების გამოუყენებლობა გააძნელებს ან შეუძლებელს გახდის გადაწყვეტილების აღსრულებას, დარღვეული ან სადაცო უფლების განხორციელებას, გამოიწვევს გამოუსწორებელ და პირდაპირ ზიანს ან ისეთ ზიანს, რომელიც კომპენსირებული ვერ იქნება მოპასუხისათვის ზიანის ანაზღაურების დაკისრებით, პირიქით სასამართლოს განჩინების შესაბამისად ქალაქ ფოთის მუნიციპალიტეტის საკრებულოს 2021 წლის 28 იანვრის N1/3 განკარგულების მოქმედების შეჩერება ზიანს მიაყენებს მოსარჩელეს, ის ვერ განახორციელებს გარე ვაჭრობას, ვერ მიიღებს სარგებელს. ამდენად, სარჩელის უზრუნველყოფის გამოყენების საკითხი (ქალაქ ფოთის მუნიციპალიტეტის საკრებულოს 2021 წლის 28 იანვრის N1/3 განკარგულების მოქმედების შეჩერების საკითხი) არ აკმაყოფილებს საქართველოს სამოქალაქო საპროცესო კოდექსის 191-ე მუხლის პირველი ნაწილის მოთხოვნებს.

აქვე აღსანიშნავია, რომ „ქალაქ ფოთის მუნიციპალიტეტის ტერიტორიაზე გარე ვაჭრობის რეგულირების შესახებ“ ქალაქ ფოთის მუნიციპალიტეტის საკრებულოს, 2017 წლის 30 მარტის, N 8/8 დადგენილებით (იხილეთ დანართი 2) დამტკიცებული წესის მე-3 მუხლის შესაბამისად, ქალაქ ფოთის მუნიციპალიტეტში გარე ვაჭრობის ადგილები განისაზღვრება ქალაქ ფოთის მუნიციპალიტეტის მერის წარდგინებით, ქალაქ ფოთის მუნიციპალიტეტის საკრებულოს ინდივიდუალური ადმინისტრაციულ-სამართლებრივი აქტით.

ქალაქ ფოთის მუნიციპალიტეტის საკრებულოს 2019 წლის 25 დეკემბრის, N 29/102 განკარგულების დანართი N1-ით დამტკიცებული სააუქციონი პირობებისა (იხილეთ დანართი 3) და ქალაქ ფოთის მუნიციპალიტეტსა და ფიზიკური პირის-
[REDACTED] შორის 2020 წლის 28 იანვარს გაფორმებული N 3 სარგებლობის ხელშეკრულების (იხილეთ დანართი 4) მე-6 მუხლის 6.4. პუნქტის „ბ.თ“ ქვეპუნქტის შესაბამისად, აუქციონში გამარჯვებულს გარე ვაჭრობის უფლება ექნება ქალაქ ფოთის მუნიციპალიტეტის საკრებულოს მიერ დადგენილ სადღესასწაულო დღეებში. ზემოხსენებულიდან გამომდინარე, მხოლოდ საკრებულოს კომპეტენციაა მერის წარდგინებით გარე ვაჭრობის დღეების დადგენა და საკრებულოს მიერ სადაო სამართლებრივი აქტით გარე ვაჭრობის დღეების დადგენა არანაირ ზიანს არ აყენებს მოსარჩელეს.

აღსანიშნავია, რომ ხელშეკრულების მე-3 მუხლის შესაბამისად, მოსარჩელეს-
[REDACTED] მუნიციპალიტეტის ქონება გადაეცა, იჯარით პარკირების მოსაწყობად და შესაბამისი სარგებლის მისაღებად(პარკირების საფასურის მიღება), ხოლო ხელშეკრულების მე-6 მუხლის 6.4. პუნქტის „ბ.თ“ ქვეპუნქტის შესაბამისად, მოსარჩელეს დამატებით გარე ვაჭრობის უფლება ექნებოდა მხოლოდ საკრებულოს მიერ

განსაზღვრულ სადღესასწაულო დღეებში. ზემოხსენებულ გარემოების ადასტურებს მოსარჩელის ხელმოწერა ხელშეკრულებაზე(იძილეთ დანართი 4), ამდენად, თუ, შეჩერდება საკრებულოს განკარგულების მოქმედება, არ იარსებებს ის სამართლებრივი აქტი, რომლითაც მოსარჩელეს უქნება გარე ვაჭრობისა და შესაბამისი სარგებლის მიღების უფლება, რაც ზიანს მიაყენებს მოსარჩელეს. ამდენად, საკრებულოს სადაო სამართლებრივი აქტის მოქმედებით მოსარჩელეს ზიანი არ ადგება, მისი უფლება არ იზღუდება, პირიქით საკრებულოს სამართლებრივი აქტით მოსარჩელე იღებს სარგებელს, საკრებულოს სადაო სამართლებრივი აქტი არის აღმჭურველი ადმინისტრაციულ-სამართლებრივი აქტი, საქართველოს ზოგადი ადმინისტრაციული კოდექსის მე-2 მუხლის პირველი პუნქტის „ვ“ ქვეპუნქტის შესაბამისად.

ზემოხსენებული გარემოებიდან გამომდინარე, გთხოვთ, გაუქმოთ ფოთის საქალაქო სასამართლოს 2021 წლის 11 თებერვლის განჩინება (საქმის №030310021004355366 (3/05-2021).

"სახელმწიფო ბაჟის შესახებ"საქართველოს კანონის მე-5 მუხლის პირველი პუნქტის "უ" ქვეპუნქტის შესაბამისად, საერთო სასამართლოებში განსახილველ საქმეებზე სახელმწიფო ბაჟის გადახდისაგან თავისუფლდებიან დაწესებულებები (ორგანიზაციები), რომელთა ხარჯები ფინანსდება სახელმწიფო ბიუჯეტიდან - ყველა საქმეზე, "საქართველოს 2021 წლის სახელმწიფო ბიუჯეტის შესახებ" საქართველოს კანონის მე-17 მუხლის შესაბამისად, ქალაქ ფოთის მუნიციპალიტეტი ფინანსდება სახელმწიფო ბიუჯეტიდან. ამდენად, ქალაქ ფოთის მუნიციპალიტეტის საკრებულო განთავისუფლებულია სახელმწიფო ბაჟის გადახდისაგან.

დანართი:

1. ქალაქ ფოთის მუნიციპალიტეტის საკრებულოს 2021 წლის 28 იანვრის N1/3 განკარგულება-2 ფურცელი;
2. „ქალაქ ფოთის მუნიციპალიტეტის ტერიტორიაზე გარე ვაჭრობის რეგულირების შესახებ“ ქალაქ ფოთის მუნიციპალიტეტის საკრებულოს, 2017 წლის 30 მარტის, N 8/8 დადგენილება-2 ფურცელი;
3. ქალაქ ფოთის მუნიციპალიტეტის საკრებულოს 2019 წლის 25 დეკემბრის, N 29/102 განკარგულება-4 ფურცელი;
4. ქალაქ ფოთის მუნიციპალიტეტსა და ფიზიკური პირის- [REDACTED] შორის 2020 წლის 28 იანვარს გაფორმებული N 3 სარგებლობის ხელშეკრულება-5 ფურცელი.

სულ „13 „ფურცელი.

პატისცემით,

ქალაქ ფოთის მუნიციპალიტეტის
საკრებულოს თავმჯდომარე

ბექა ვაჭარაძე